

Headlines

- प्रधानमंत्री नरेन्द्र मोदी होर 19 अप्रैल गी कटरा थमां श्रीनगर लेई पैहली वंदे भारत एक्सप्रेस रेल गी झंडी दसिसयै रवाना करगंन।
- केन्द्री गृहमंत्री अमित शाह होर अगले हफते जम्मू कश्मीर दा दौरा लांगन।
- उपराज्यपाल मनोज सिन्हा होर जिला कस्बे च टाकरे दरान शहीद होए दे पुलस कर्मिणं दे परोआरें कन्नै मिले, उनेंगी हर मुमकन मदाद दा भरोसा दोआया।
- जम्मू कश्मीर च बी ईद-उल-फितर दा घ्यार जोश जज्बे कन्नै मनाया जा करदा ऐ।
- चला करदे नराते दरान अज्जै तगर इक लक्ख शा बद्ध श्रद्धालुणं श्री माता वैष्णो देवी दे दरबार च हाजरी लाई। उपराज्यपाल होरें प्राचीन मार्ग पवित्र छड़ी यात्रा गी झंडी दसिसयै रवाना कीता।

<><><><><><>

PM-Vande Bharat

प्रधानमंत्री नरेन्द्र मोदी होर 19 अप्रैल गी कटरा थमां कश्मीर लेई पैहली वंदे भारत एक्सप्रेस गी रवाना करगंन। केन्द्री मंत्री डॉ. जितेन्द्र सिंह होरें जम्मू च संवाददाताएं गी संबोधत करदे होई आखेआ जे प्रधानमंत्री होर 19 अप्रैल गी उधमपुर पुज्जगंन ते दुनिया दे सब्बने शा उच्चे रेल पुल दा उद्घाटन करगंन। वंदे भारत रेल फिलहाल कटरा थमां चला करोग की जे जम्मू स्टेशन पर एहूदा नमीकरण आला कम्म चला करदा ऐ।

<><><><><><>

Home Minister

केन्द्री गृहमंत्री अमित शाह होरें अगले हफते जम्मू कश्मीर दा दौरा लांगन। सूत्रें दस्सेआ जे अमित शाह होर मजूदा सुरक्षा स्थिति दी समीक्षा करने लेई जम्मू च इक उच्ची सतह आली सुरक्षा बैठक दी प्रधानता करगंन। सुरक्षा बवस्था दा जायजा लैने दे कन्नो कन्नी श्री शाह हुंदी अंतराष्ट्रीय बन्ने पर किश अगेत्रे इलाकें दा दौरा लाइयै सुरक्षा अमले कन्नै गल्लबात करने दी बी मेद ऐ।

<><><><><><>

LG-Kathua(byte)

उपराज्यपाल मनोज सिन्हा होर अज्ज पुलस शहीद तारिक हुसैन अहमद, बलविंदर सिंह ते जसवंत सिंह दे घरें आलें कन्नै मलाटी कीती। ध्यानजोग ऐ जे त्रौनें पुलस कम्प्री हाल च गै आतंकिणं कन्नै भखे दे आकरे च शहीद

होइ गे हे । उपराज्यपाल होरें शहीद बक्खी अपनी हमदर्दी ते बसोस जतांदे होई नेई पूरे होने आले नुक्सान पर दुख जताया । श्री सिन्हा होरें शहीदें दे परोआर आलें कन्नै लग्गी दिएं बक्ख-बक्ख बैटके च उनेंगी हर मुमकन मदाद दा भरोसा दोआया । उनें इस गल्ला पर जोर पाया जे शहीदें दे बलिदान गी म्हेशां चेता रखेआ जाग । इस मौके शहीदें दे परोआर आले गुजर-बसाह लेई नेडमें रिश्तेदारें गी नौकरी देने ते बन्ने पर घुसपैठ गी रोकने लेई सुरक्षा बलें दी मजबूत बवस्था दी मंग कीती

<><><><><><>

Search Kathua-Samba

सुरक्षा बलें अज्ज कडुआ ते सांबा जिलें च अपने तपाशी अभियान गी तेज करी दित्ता ऐ । सूफैन च भखे दे टाकरे मगरा आतंकवादिएं गी फगडने लेई कटुआ च तपाशी अभियान अजें बी जारी ऐ । मुमकन खतरे दा पता लाने लेई तपाशी अभियान दे जारी रौहने करियै अफसर समूलचे इलाकें गी हाई अलर्ट पर रखे दा ऐ । एहदे शा पैहले 27 मार्च गी सूफैन राजबाग कटुआ च टाकरा लग्गा हा, जेहदे च पुलसकर्मी शहीद ते दऊं आतंकवादी मारे गे हे ।

<><><><><><>

IAF

भारतीय हवाई सेना अज्जै थमां ग्रीस च रंभ होआ करदे मते देसे आले हवाई अभ्यास आईएनआई ओसी एचओएस-25 च शामिल होआरदी ऐ । 12 ध्याडे तगर चलने आले इस आयास दी मेटबानी ग्रीस दी हेलेनिक हवाई सेना करा करदी ऐ जेहड़ी ऐलिस दे ऐतिहासक इलाकें एंड्राविडा एयर बेस पर आयोजित होआ करदा ऐ । एह अभ्यास 11 अप्रैल तगर चलोग । भारतीय वायु सेना दे जहाजें च जंगी जहाज आईएल-78 ते सी-17 कन्नै एसयू-30 एमकेआई जंगी जहाज शामिल न । एह अभ्यास बक्ख-बक्ख देसें दी हवाई सेना च अंतराष्ट्रीय सैहयोग ते तालमेल गी बढ़ावा देग । एहदे कन्नै योजना बनाने ते सांझे अभियानें च सिखलाई देने सरबंधी इक मौका उपलब्ध करोआग ।

<><><><><><>

Youth Parliament

युवा मामले ते खेड्ड मंत्रालय कल पैहली अप्रैल थमां 3 अप्रैल तगर नमीं दिल्ली च विकसित भारत युवा संसद दा सरिस्ता करोग । मंत्रालय मूजब 75 ज्हार शा बद्ध नोजवानें हर राज्य ते केन्द्र शासत प्रदेश थमां माई भारत पोर्टल राएं अपनियां वीडियो एंटरियां पेश कीतियां न, जिंदे च देसै दे भविक्ख गी नमीं शक्ल देने लेई उंदे उत्साह ते वचनबद्धता गी दिक्खेआ जाई सकदा ऐ । विकसित भारत युवा संसद गी त्रै मुख्क चरणे दे ढांचे च रखेआ गेआ ऐ, जिंदे च जिला नोडल राउंड, राज्य राउंड ते राश्ट्री राउंड शामिल न । मंत्रालय नै इक ब्यानै च आखेआ ऐ जे इस पैहल राएं सामने आए दे बचार ते चर्चा सेंद्रल हाल शा बड़ी अग्वै तगर जांगन ते समूलचे देसे च सुने जाई सकगंन । युवा नुमायंदगी आली नीति जुड़ा वते राश्ट्री तरक्की दे इक नमें युग दी बत्त पदरी करोग ।



Pak-Afghanistan

पाकिस्तान च अफगान नागरिक कार्ड आलें लेई देस छोड़ने दी सरकारै आस्सेआ दित्ती गेदी समें सीमा अज्ज पूरी होइ जाने करियै कनून नाफिज करने आलिएं अजेंसिएं गी ज्हारें बद्धे अफगान शरणार्थिएं गी गिरफ्तार करियै निर्वासित करने दा हुक्म दित्ता गेआ ऐ। मकामी मीडिया दिएं रिपोर्टें मूजब रावलापिंडी दे पुलस प्रमुख नै रावल, पोहोहर ते सदर खिवीजनें दे अधीक्षकें गी जिले च रौहने जां कम्म करने आले अफगानें खलाफ कनूनी कारवाई करने दा निर्देश दित्ता ऐ। रिफूजिएं लेई संयुक्त राष्ट्र उच्चायुक्त यूएन एचसीआर दी पाकिस्तान च नुमायंदगी करार दियां फिलिपा होर कल गलाया जे इस फैसले नै अफगान समुदाय गी हलाइयै रखी दित्ता ऐ की जे उंदियां आसा—मेंदा ते सुखने त्रुट्टी गे न।



Tennis

भारतीय टेनिस दे शानदार खडारी युकी भांबरी एटीपी डबल्स रैंकिंग च टॉप 30एं च शामिल होई गे न। भांबरी होरें अपने करियर दी सब्बने शा उच्ची रैंकिंग बी हासल कीती ऐ। ओह भारत दे नंबर इक डबल्स खडारी बी बनी गे न। युकी भांबरी नै रोहन्ना बोपन्ना दा बी साढ़े 5 ब'रे थमां टॉप पर बने रौहने दा रिकार्ड त्रोड़ी दित्ता ऐ। बोपन्ना हुन 44मीं थाहर पर आइ गे न। भांबरी पुर्तगाल दे अपने जोड़ीदार नूना बाग्रेस कन्नै हाल च गै मन्नी परमन्नी दी मियामी ओपन दे क्वार्टर फाइनल च पुज्जे हे पर बरतानवी जोड़ी लॉयड ग्लासपल ते जूलियन कैश थमां 6-7, 6-3, 8-10 कन्नै हारी गे हे।

